

PROTOKOLL
MØTE I REGIONRÅDET NORDHORDLAND

Møte: 2-2017
Tid: Tysdag 19. september kl. 15:00 - 20:00
Stad: Alver hotel

Til stades:

Ordfører:	Karstein Totland, Hallvard Oppedal, Stian Herøy, Per Lerøy, Astrid Aarhus Byrknes, Jarle Skeidsvoll, Tom Kristian Thorsen, Øyvind Oddekalv
Rådmenn:	Ingvild Hjelmtveit, Svein Helge Hofslundsengen, Jarle Landås, Ørjan Raknes Forthun, Reidun Halland, Olav Mongstad (frå sak 15/17), Marin W. Kulild (frå sak 18/17), Jo Bjarte Tømmerbakke (påtroppande rådmann i Modalen)
NUI:	Rune Heradstveit, Bent Gunnar Næss
Andre:	Sak 15/17: Nordhordland Revisjon IKS; Lovisa Midtbø (styreleiar), Reidar Bjørsvik (dagleg leiar) Sak 16/17: UNITECH; Bernt Hellesøe, Jan Jæger, Gunnar Vetlejord, Thor Blindheim, Leif Vandvik, Petter Andreassen Sak 17/17: Kari Evensen Natland Sak 19/17: Karl Johannes Romarheim Sak 25/17: NGIR; Bjarne Berg og Erlend Kleiveland
Forfall:	Jon Askeland, Jan Olav Osen, Ingebjørg Vamråk

Sak 13/17	Godkjenning, møteinnkalling og sakliste Møteinnkalling og sakliste vart godkjent utan merknadar.
Sak 14/17	Godkjenning protokoll møte 1-2017 Møteprotokoll frå møte 1-2017 vart godkjent utan merknadar.
Sak 15/17	Nordhordland Revisjon og framtida Styreleiar Lovisa Midtbø og dagleg leiar Reidar Bjørsvik informerte om prosessen Nordhordland Revisjon har sett i gang med bakgrunn i kommunereforma og endringar i kommunestruktur i Nordhordland. Det er sett ned ei arbeidsgruppe som mellom anna skal sjå på: <ul style="list-style-type: none"> ▪ Kva er framtidsretta løysingar i eit meir langsiktig perspektiv? Kan det vera aktuelt med samanslåing med andre selskap? ▪ Kva vil kommunane/eigarane? Kva ser kommunane som viktig å ha folkevalt leiarskap på – eiga sjølv eller kjøpa tenesta? ▪ Dette er ein pågåande prosess som ein vil koma tilbake til eigarane og informera om. Vedtak: Regionrådet tok orienteringa frå Nordhordland Revisjon til vitande.
Sak 16/17	U 864 på Fedje (vedlegg) UNITECH ved Bernt Hellesøe, Jan Jæger, Gunnar Vetlejord, Leif Vandvik og Petter Andreassen presenterte ei løysing dei har vedr heving av ubåten ved Fedje. Fyrst historia om ubåten, kva det inneheldt, om forliset, og kvifor den må hevast. Så presenterte dei seg sjølve og selskapet dei representerer, UNITECH, og til slutt ei mogleg løysing på korleis hevinga av U864 kan skje

	<p>på ein forsvarleg og god måte etter deira syn.</p> <p>Det vart stilt spørsmål som vart besvart i møtet.</p> <p>Vedtak: Regionrådet tok orienteringa frå UNITEC til vitande.</p>
Sak 17/17	<p>Biosfæreprosjektet og prosess med søknad (vedlegg)</p> <p>Nestleiar i styringsgruppa Jarle Skeidsvoll og prosjektleiar Kari E. Natland informerte om arbeidet med søknadsprosessen. Dette er ei sak som kjem til kommunane i november / desember. For at regionen skal kunne senda inn søknad må kommunane / kommunestyra stå samla bak den.</p> <p>Det vart understreka at i saksutgreiinga til kommunane, må det koma tydeleg fram kva dette vil bety for regionen samla sett - og kva økonomiske forpliktingar kommunane tek på seg både på kort og lang sikt.</p> <p>Vedtak: Regionrådet slutta seg til den skisserte prosessen og framdriftsplanen for arbeidet med søknad om å få Unesco Biosfærestatus. Regionrådet ber NUI fremja ei sak til politisk handsaming i kommunane i november / desember. Kvar enkelt kommune må snarast gje melding til NUI dersom dei ynskjer informasjon i formannskap / kommunestyre.</p>
Sak 18/17	<p>Interkommunal plan for sjøareal - prosess (vedlegg)</p> <p>Bent Gunnar Næss informerte om plan for prosess med Interkommunal plan for sjøareal.</p> <p>Regionrådet har tidlegare vedtatt å søkja midlar frå Fylkesmannen til ein planprosess om ein felles interkommunal plan for sjøareal. Over to år har regionen til saman mottatt kr 1.1 mill. til dette. Saka har elles vore drøfta fleire gonger både i Regionrådet og i rådmannsmøter. Vidare arrangerte NUI 22. august eit «start up» seminar med informasjon og erfaringar frå styresmakter, næringsliv og kommuneprojekt.</p> <p>Saka vart så handsama i rådmannsmøtet 8. september. Der vart det gitt innspel til prosjektet. Desse vart innarbeida i dokumentet og dokumentet vart sendt på høyring til rådmennene med oppmoding om tilbakemelding før saka vart sendt ut til Regionrådet. Det kom ingen fleire tilbakemeldingar frå rådmennene.</p> <p>Utval for Næring og samfunnsutvikling handsama saka tidlegare i dag. Utvalet hadde følgjande innspel og vedtak i saka – sak 22/17: <i>«Forslaget til prosjektplan vart gjennomgått i møte. Utvalet peika på at Biosfære bør vere med som ei referansegruppe. Utvalet var samd om at dette er eit viktig prosjekt for regionen mellom anna for å sikre ein berekraftig vekst av akvakulturnæringa og for å sikre dei andre interessene som er til bruken av sjøareal. Den tidsplanen som er satt opp i prosjektet bør vere mogeleg å følgje.</i></p> <p>Vedtak i Utval for næring- og samfunnsutvikling 19. september: <i>Utvalet sluttar seg til den utsendte prosjektplanen og ser det som viktig at den no vert vedteke og at arbeidet kan kome i gong. Det er viktig at regionen står samla om dette prosjektet no.</i></p> <p>I Regionrådsmøtet kom det fram at det vil bli vanskeleg for Alver-kommunane å gjennomføra dette prosjektet på grunn av manglande ressursar til å kunne følgja opp prosjektet. Det var også naudsynt for dei tre kommunane å få forankra dette prosjektet i fellesnemnda.</p> <p>NUI understreka at mesteparten av arbeidet skal utførast som prosjekt i NUI og at kommunane kun må bidra med ein forholdsvis liten ressurs, berekna til eit par dagsverk i månaden. Fleire påpeika at det var viktig å koma i gong med arbeidet med ein felles plan slik at ein kan leggja til rette både for næringsinteresser og andre interesser på ein god måte.</p>

	<p>Vedtak: Regionrådet ber at NUI saman med rådmennene vurderer om det er mogeleg å gjennomføra Interkommunal plan for sjøareal i Region Nordhordland med ein prosess og framdrift på prosjektet som kan tilpassast kommunesamanslåinga av Alver kommune.</p> <p>Samtidig ber Regionrådet om at plan og prosess vert drøfta i fellesnemnda for Alver kommune i kommande møte.</p>
Sak 19/17	<p>Prosjektet Nordhordland brann og redning. Rapport «Etablering av ein felles regional brann- og redningsteneste i Nordhordland» (vedlegg) Brannsjef i Lindås, Meland og Modalen, Karl Johannes Romarheim informerte om «Rapport Etablering av ein felles regional brann- og redningsteneste i Nordhordland». Bakgrunnen for prosjektet / rapporten er «Beredskapsprosjektet som vart gjennomført vinteren 2014 i regi av Industriutvikling Vest.</p> <p>Hovudmålet med prosjektet har vore å utarbeida avgjerdsgrunnlag for om mogeleg etablera eit felles regionalt brann- og redningsvesen i Nordhordland med bakgrunn i bl.a. gjeldande lovverk og ny dimensjoneringsføresegn frå 2018, dagens og framtidas risikobilete, samarbeid med næringsliv og prosessane som pågår med strukturendringar i stat og kommune.</p> <p>Involverte i prosjektet har vore kommunane Austrheim, Lindås, Meland og Radøy og prosjektgruppa har vore samansett av representantar frå Austrheim brannvern, Radøy brannvern, Lindås og Meland brannvern, KARABIN og tillitsvalte frå involverte kommunar.</p> <p>Det vart framheva at dette er ein god rapport og at eit samarbeid kan utvidast til fleire.</p> <p>Vedtak: Regionrådet tok orienteringa til vitande.</p>
Sak 20/17	<p>Brannsamarbeid i Bergensregionen Brannsamarbeidet i regi av Bergensalliansen vart diskutert etter fyrst ei innleiing ved Ørjan Raknes Forthun.</p> <p>Kommunane i Nordhordland har gitt innspel til rapporten som vart lagt fram, mange innsigelser frå kommunane i Bergensregionen er tatt til følge, men ikkje alle som kortare utmeldingsfrist og samarbeidsavtale.</p> <p>Mange er skeptiske til rapporten og det forslaget som no ligg i bordet, og fleire synest det er vanskeleg å sjå kva ein har å tena på dette og kva fordelane vil vera, og at det dermed er vanskeleg å selja dette inn i kommunane. Det vil vera eit stort problem dersom nokon av kommunane i regionen seier ja, medan andre seier nei. Dette heng og saman med Alver sitt val frå 2020.</p> <p>Det vart stilt spørsmål om ikkje regionen heller burde ha utvikla tettare brannsamarbeid i Nordhordlandsregionen, sjølv om det nødvendigvis ikkje er motsetjingar mellom desse. Det er viktig å forstå at dette samarbeidet dreier seg om systemsida (administrasjon, innkjøp, kurs og opplæring m.v.), ikkje det operative. Kanskje Nordhordland må seia at ein treng litt meir tid for å vurdere alternativ?</p> <p>Det vart understreka at Osterøy er i ein spesiell situasjon sidan kommunen allereie kjøper branntenester frå Bergen Brannvesen, bl.a. brannsjef. Det vert derfor vanskeleg ikkje å bli med i dette samarbeidet.</p> <p>Vedtak: Regionrådet tok orienteringa til vitande.</p>

Sak 21/17	<p>Ny føresegn om vannscooterkjøring. Korleis stiller kommunane seg til denne?</p> <p>Martin Kulild viste til at kommunestyret i Meland har bedt administrasjonen sjekka om det kan vera aktuelt å laga felles føresegn for vannscooter i region. Bergen og Askøy vil også vera aktuelt. Vannscootere skal heretter kunne brukast på lik line med båtar i de aller fleste område. Dette er ein følgje av at vannscooterføresegna vert oppheva. Kommunane kan ved behov fastsetja lokale føresegner om bruk av vannscooter.</p> <p>Regionrådet drøfta saka, og det kom fram at ingen kommunar har opplevd – eller fått meldingar om at dette har vore eit problem denne sommaren. Det vart og stilt spørsmål til kven som eventuelt skal handheva ei slik føresegn.</p> <p>Vedtak</p> <p>Regionrådet ber Rådmannsutvalet vurdere om det er behov for – og kan vera aktuelt å laga eit kunnskapsgrunnlag om ulike sider ved vannscooterkjøring.</p>
Sak 22/17	<p>Elektronisk utstyr i skulen – nasjonale retningslinjer?</p> <p>Per Lerøy viste til at på møtet i Administrasjonsutvalet i Austrheim kommune 15.juni kom Utdanningsforbundet med forslag om at det bør utarbeidast retningslinjer for bruk av elektronisk utstyr i skulen. Ein er uroa over bruken av smartklokker, smarttelefonar og robotar i klasseromma, og at dette utstyret kan brukast slik at eksterne kan overvake det som skjer i klasseromma utan at lærarar og elevar er klar over dette.</p> <p>Utdanningsforbundet meiner at det bør utarbeidast nasjonale retningslinjer på dette området og ber Regionrådet for Nordhordland drøfta saka og ta initiativ til å få KS til å utarbeida nasjonale retningslinjer som kommunane kan nytta.</p> <p>Vedtak:</p> <p>Regionrådet viser til at oppfølging av slike retningslinjer er eit nasjonalt ansvar, og at Utdanningsforbundet eventuelt må ta det opp den vegen.</p>
Sak 23/17	<p>Arbeidet med framtidig linestruktur ved dei vidaregåande skulane i Nordhordland</p> <p>Framtidig linestruktur ved dei vidaregåande skulane i regionen vil vera avhengig av elevgrunnlag og tilgang på læreplassar og samspelet mellom skulane og næringslivet. Næringslaga gjer ein jobb opp i mot næringslivet og det same må me gjera mot kommunane. Per Lerøy tar på seg eit koordineringsansvar mot kommunane og opplæringskontora.</p> <p>Per Lerøy føreslo elles at saka vert utset då den skal hansamast i fylkesutvalet i morgon.</p> <p>Vedtak:</p> <p>Regionrådet ser an handsaming i fylkesutvalet og utset saka til neste møte.</p>
Sak 24/17	<p>Status frå utvala.</p> <p>Utval for helse og omsorg.</p> <p>Astrid Aarhus Byrknes refererte frå møtet i utvalet fredag 15. september. Ei viktig sak for utvalet er å jobba for å få avtalespesialistar til Helsehuset der det er sett av areal til dette. Utvalet vil jobba med å finna ein strategi og få eit mandat til dette. Det var elles ein god orientering om velferdsteknologiprojektet i møtet.</p> <p>Utval for Næring og samfunnsutvikling</p> <p>Hallvard Oppedal orienterte kort om dei sakene som har vore handsama i møtet tidlegare på dagen, bl.a. Interkommunal plan for sjøareal. Vidare vil utvalet koma med forslag til ein uttale vedr «Høyering - Investeringsprogram for fylkesvegnettet til Regional transportplan Hordaland 2018-2029». Dette i tillegg til det kommunane sjølve ynskjer å skriva. Dersom kommunane har ferdige uttalar er det fint om dei vert sendt til NUI.</p>

	<p>Utval for Kultur, omdømme og kunnskapsutvikling. Øyvind Oddekalv informerte om at det har vore jobba mykje med folkehelse, i fyrste rekkje mot barn og unge – og at det har vore drøfta korleis ein kan jobba med dette interkommunalt. Dei vil sjå nærare på det kunnskapsgrunnlaget ein har, og diskutera dette vidare i utvalet.</p> <p>Vedtak: Regionrådet tar orienteringane til vitande.</p>
Sak 25/17	<p>Meldingar og eventuelt</p> <p>Informasjon frå NGIR Bjørn Berg som er ny dagleg leiar i NGIR og Erlend Kleiveland informerte om situasjonen som er oppstått i NGIR i samband med konkurransen til RenoNorden. Konkursen vil gi utfordringar for NGIR då det er Reno Norden som har kontrakten med innsamling/innkøyring av boss, både til private og næringslivet.</p> <p>Men NGIR er godt førebudd på at dette kunne koma til å skje. Det har derfor vore fleire møte med RenoNorden undervegs og NGIR har laga ein laga ein handlingsplan for korleis dei skal handtera situasjonen (bilar, personell, kommunikasjon m.v.) om den skulle oppstå.</p> <p>NGIR jobbar no med å få kontroll på utstyr og sjåførarar slik at hentinga av boss framover kan gå så normalt som mogeleg. Det vert vurdert ulike løysingar og NGIR er rimeleg trygg på at dette skal dei kunne handtera bra.</p> <p>Regionrådet takka for grundig og god informasjon og at selskapet var så godt førebudd på at dette kunne koma til å skje. Det vart gitt innspel på at ein framover må vurdere om NGIR bør innhenta søppel sjølv i framtida.</p> <p>Velferdsteknologiprojektet (vedlegg – notat om prosjektet) 10 kommunar i Nordhordland er med i det Nasjonale velferdsteknologiprogrammet saman med omlag 200 kommunar i landet. Kriteriet for å bli med i programmet var bl.a at fleire kommunar gjekk saman om felles søknad. « Nordhordlandsprosjektet» har fått 1,8 mill. Masfjorden kommune er vertskommune for prosjektet, og Kari Eidnes Bjørkheim er tilsett som prosjektleiar.</p> <p>Tysdag 7. november vert det ein viktig konferanse på Nordhordland folkehøgskule. Denne er for administrasjon, politikarar, ulike råd og utval i kommunane som eldreråd, levekår m.m.</p>

Alver hotel, 19. september 2017

Karstein Totland

Karstein Totland
Leiar
Regionrådet Nordhordland

Rune Heradstveit

Rune Heradstveit
Dagleg leiar
Nordhordland Utviklingsselskap IKS

Vedlegg:

- Sak 16/17: Presentasjon – Heving av U864
- Sak 17/17: Presentasjon – status Biosfæreprosjektet
- Sak 18/17: Interkommunal plan for sjøareala i Region Nordhordland
- Sak 19/17: Rapport - Mulighetsstudie Nordhordland brann og redning
- Sak 19/17: Presentasjon - Mulighetsstudie Nordhordland brann og redning
- Sak 25/17: Informasjonsskriv Velferdsteknologiprojektet